

# Meynische LandtChronica!

von Lupfurdo vnter die Dandutos, vnd disscit der Semana vber Argelia, Daran  
auch etliche schliessen mochten / das die Catti vorzeiten dem Meissnerlandt gar nahe  
gesessen / welches denn mit des Taciti Krieg zwischen den Hermunduris vnd Cattis,  
wegen des Salzwerks nicht vbel uberein kompt.

**S**Onsten was der Stadt Ilenburg Namen belanget / weis ich  
wol das er gemeiniglich vom Namen *Iulio* von etlichen deriuirt wird / daher sie sons-  
derlich das Schloß (welches eigentlich Ilenburg / vnd die Stadt Miltenaw heissen  
sol) arcem *Iuliam* nennen / als welches vom *Iulio Cesare* erbawet sein sol. Andere  
richten auch / es sen von einem Kriegsfürsten oder Graffen *Ibla* genant / erbawet /  
denen Garzo gefolget / welches so wenig grundt / als von *Iulio* / welcher nie so fern  
komen. Wenn man nu ben den Deudischen wortlein Eilen festinare, oder Eule/  
*Noctua*, nicht bleiben wil / dawon ich einem jeden sein gutdünken lasse / weil es die  
alten Ilinburg schreiben / wird es nicht vbel von diesen *Ilingis*, so auch vom Eylen/  
wie etliche wollen / genennet gewesen / können gezogen werden / Wie wol auch von einer  
anderen meinung / das sie von einem *Ilo* erbawet andershwo mehr zu melden.

**S**tella hat etliche die jm beyfall geben / das oben in Meysen unter dem  
Gebirge auch ein Volk sol gewonet haben / *Camanni* genante / vnd sonderlich  
vmb die gegende der Stadt Remnit / welches auch wie etlichen gesellet / dawon ernant /  
gleich als *Camanis* / Von denen gleichfals auch *Camens* in Lausnitz / vnd wie an-  
dere darzu schen / Camburg an der Sala fändten benennet sein. Aber Remnit  
sol in der Wendischen sprach so viel sein / als zum Stein oder ein Steinhau oder  
Steinbruch / *Latomia*, welche deriuation denn gleublicher / weil die schönen Steins-  
brüch / noch heut zu Tage vmb dieselbe Stadt sein / deren in dem 1. Buch oder  
BergChronica sol gedacht werden. So sind sonst noch zwey Remnit an den  
Böhmischem gebirgen / vnd ein Schemnit / welches nach etlicher meinung eben so  
viel ist / in den Ungerischen Bergstedten / Item etliche Dörffer hin vnd wieder dieses  
Namens / da die Wenden gewohnet haben / daraus von desselben ursprung leichtlich  
zu schliessen.

Brotius aber rechnet die *Camano*s vnter die Wendischen vnd Slas-  
sischen Völker / so etwan hierin gesessen / da er schreibet / sie sein zu Keyser Hein-  
richen des V. zeiten neben cinem andern Wendischen Volk / so vmb Froburg  
wonhaft / die *Churitani* genennet / vnter Graffen Wiprechts von Groitsch des  
streitbaren Helden / Kriegs Volk gewesen / wie solches aus diesen worten in Graffen  
Wiprechts Historia zuschen am neunden Capittel : Graff Wiprechte der alte /  
brachte Keyser Heinrichen den V. mit hülff der Schwansfelder / das ist der  
Zwickauer vnd derselben Landesleute umbher bey Zwickaw gesessen / auch mit  
hülff der Churitanen vnd Chamannen / aus dem Lande zu Polen / gesund wieder  
heim in Sachsen / etc. Hernach weiter : Chamanni sind alte vnd Wendische  
Völker gewesen / ein geschlecht der Sorben / vnd haben die gelegenheit vmb Remnit  
zwischen der Mulda vnd Böhmischem Walde / das Schwansfelde vnd gegen dem  
orth der Stadt Freyberg im selben gezirck innen gehabt / Und solches ist allhier nich  
von den Chamannen / welche etwan unten an eim fluß des Rheins gesessen / zuerne-  
men / vnd so mans gleich aus dem zweiuell / welches doch nicht ist / also verlunde / ist  
es doch nicht möglich / das Graff Wiprechte / so bald die Chamannen unten vom  
Rheinstrom den Keyser zu hülff het aussbringen können. *Hec Brotius.*

**M**ehr gedenckt er der vorerwähnten Völcker vnter Keyser Gotha-  
rio dem Sachsen / in Keyser Aucupis historia oder leben / so er in den Druck geben/  
Nemlich am 4. Capittel daselbst / da er handelt von erbawung des Klosters Psorten/  
Num: 4. vnd 5. Da dieses seine wort : Chamanni aber sind Wenden gewesen des ges-  
schlechts der Sorben / diese Wenden sind von den Franken aufgetrieben worden /

vnd

Miltenaw.  
Ilenburg  
Schloß.

Wanne der  
etame Ilen-  
burg.

V.  
Camanni.  
Remnit.  
Cannis.  
Camburg.  
Wanne der  
Stadt Rem-  
nit Name.  
Meissnische  
BergChron-  
ica.

Brotius  
meinung von  
den Camano-  
nis.  
Churitani.  
Graff Wu-  
prechte.  
Schwansfel-  
der.